

曾子建集

七子全集



10139



運安七子
全集

三餘堂藏板



彙刻建安七子集序



皮日休孟亭記曰明皇之世得
建安體者推李杜爲尤而孟襄
陽介其間劉後村謂唐初王楊
沈宋不脫齊梁纖弱獨陳拾遺

擬于黃初建安安然則建安之重
雖雖啾啾節節足足固巢阿之
鳳集衡之鸞乎以時論則曰建
安體以人論則曰曹劉體此固
未許下此者鴟鳴點叢雲螻蚋
浣晨露矣按陳壽志敘陳思至
劉公幹爲建安七子謝康樂因
之作鄴中集詩而魏文作典論
裒陳思不錄錄孔少府冠之論
者謂此係子桓妬腸然陳思度

越諸子如鍾叅軍所云人倫之
周孔鱗羽之麟鳳豈庸混總轡
者竝置分鑿而北海材大卓犖
罕有其儷則子桓姤腸未必不
別有具眼也居恒稍爲位置文
中子謂子建以天下讓固予之
太過乃考魏志蘇則傳禪代事
起子建發服悲泣是殆司馬孚
一流人係心漢室者康樂謂公
子不及世事但美遨遊豈其然

乎上表求試亦或假擒吳馘蜀
之名以自掩其不忘故國之心
而所云取齊者田族非呂宗分
晉者韓魏非姬姓則明知司馬
氏篡奪之禍而痛切語之是其
識盡魏室諸人所不逮何論文
章之士哉孔璋之章表書記典
論稱雋雕龍稱標無恠乎檄成
而頭風霍然也葛稚川盛推其
武軍賦有以哉所諫大將軍進

有云大兵聚合強者稱雄尤是
精鑒篤論獨子建訾其不閑辭
賦則踞山眠垤未免持論苛耳
沈休文躋仲宣於子建卽子桓
亦服膺其初征登樓征思諸篇
謂張蔡不足過也中郎之書夫
豈濫授而當塗大制作何以不
繇他人而盡出其手殆没而子
建作誅魏文親臨其喪令賓從
竝作驢鳴送之吾又以知其善

處人骨肉間矣偉長清玄體道
六行修備懷文抱質恬淡寡慾
見先賢行狀及子桓與吳質書
意其人必彬彬君子無惑也一
辭旌命再辭上艾長豈淮陰羞
與絳灌伍將無是耶乃若中論
二十篇庶幾一家詞稱不朽盛
事矣元瑜書記翩翩馬上之草
魏武攬筆欲有所定而竟不能
增損彼其受學中郎者竟何如

而令悍主聞名焚山而必欲得
之哉家學相承貽籍及渾文人
有後如元瑜者蓋亦鮮矣德璉
和而不壯典論譏之而猶謂斐
然述作才學足以著書康樂之
詩曰調笑輒酬答嘲諑無慙阻
是何以頡頏諸賢而無溟滓焉
弟之耶謝氏稱公幹卓犖偏人
文最有氣所得頗驚奇今讀答
魏文廓落帶書何辭旨之巧妙

也甄夫人出拜公幹獨平視之
魏武雖聞而收繫卒亦重其才
減死輸作逸才若此無復病其
不道矣世未見建安集吾鄉范
堯卿司馬彙七子從典論冠以
孔少府楊伯翼太學撰有詩序
在碣石編自兩公久卽世書亦
漉滅失傳近吾年友楊南仲藏
有秘函因出以供賞奇析疑之
適南仲因舉孫器之之評曰子

建如三河少年風流自賞余曰
雖復幽燕老將氣韻沈雄何以
加此南仲又舉劉勰之語曰魏
雖三調正聲實則韶夏鄭曲余
曰黃初委屬閏統建安雅是正
聲南仲曰八斗獨擅諸子困陳
思之範圍余曰一石共分陳思
不廢諸子之揚扆南仲曰自陳
思以下篇什寥寥尤惜其不盡
存余曰自公幹以上簡編纒纒

最喜其未盡泯南仲曰建安爲
兩漢之後勁再求升而上之何
如余曰建安乃六朝之先鞭母
令降而下焉可矣南仲舉少陵
之句曰不及前人更勿疑遞相
祖述更先誰余卽舉下句曰別
裁僞體親風雅轉益多師是汝
師南仲曰孟德自謂老而好學
景初詔謂子建自少至終篇藉
不離其手其當時好學如斯余


曰孟德之網羅諸子子桓兄弟
之延致賓客其當時憐才好士
之風又若此嗟乎尚論非難也
論平則難耳余兩人所持說人
語兼質瑕瑜互見差謂不謬于

作者云然攷陳思集五十卷孔
璋集十卷仲宣集十一卷元瑜
德璉偉長集各五卷公幹集四
卷茲不悉備第刻其見存者如
千篇巢阿之鳳集衡之鸞卽一

毳片羽正以少爲貴也昔韓仲
卿夢子建求序其集寤簡曹集
序而傳之是舉也得毋陳思入
夢歷千秋而靈氣恍恍乎今
右文之朝大業盛事卓哉有斐
輒倡此以爲登高之呼而試距
其學步之陋於以仰追騷漢直
接風雅庶幾得所取法而淵源
不泯爾肯

崇禎戊寅仲夏四明葦菴居士

陳朝輔燮五父撰



曹子建集目錄

卷一

賦 十首

東征賦 有序

遊觀賦

懷親賦 有序

玄暢賦 有序

幽思賦

節遊賦

感節賦

離思賦 有序

釋思賦 有序

臨觀賦

卷二

賦 十首

潛志賦

閒居賦

慰子賦

叙愁賦 有序

愁思賦

九愁賦

娛賓賦

愍志賦 有序

歸思賦

靜思賦

卷三

賦 十一首

知感婚賦

卷三 出婦賦

洛神賦 有序

愁霖賦

喜霽賦

登臺賦

九華扇賦 有序

寶刀賦 有序

車渠椀賦

迷迭香賦

大暑賦

卷四

賦 十三首

神龜賦 有序

白鶴賦

蟬賦

鸚鵡賦

鶡賦 有序

離繳鴈賦 有序

鷓鴣賦

蝙蝠賦

芙蓉賦

酒賦 有序

槐賦

植橘賦

述行賦

卷五

詩 三十四首

公宴

侍太子坐

七哀

鬪雞

元會

送應氏 二首

雜詩 六首

喜雨

離友 有序

應詔

贈徐幹

贈丁儀

贈王粲

贈丁儀王粲

贈白馬王彪

贈丁翼

朔風

矯志

閨情 二首

三良

責躬

情詩

妬

樂芙蓉池

卷六 雜詩

言志

七步詩

卷六

樂府

四十首

笙篥引

升天行

二首

僊人篇

妾薄命

二首

白馬篇

名都篇

薤露行

豫章行

二首

美女行

艷歌

遊僊

五遊詠

梁甫行

丹霞蔽日行

怨歌行

善哉行

君子行

平陵東

苦思行

遠遊篇

吁嗟篇

鰕鮒篇

種葛篇

浮萍篇

惟漢行

當來日大難

野田黃雀行

門有萬里客

怨詩行 一首七解

桂之樹行

當墻欲高行

當欲遊南山行

當事君行

當車以駕行

飛龍篇

盤石篇

驅車篇

卷七

頌 九首

皇子生頌

玄俗頌

母儀頌

明賢頌

孔子廟頌

學官頌

社頌

宜男花頌

冬至獻襪頌

贊 二十九首

庖義贊

女媧贊

神農贊

黃帝贊

少昊贊

顓頊贊

帝嚳贊

帝堯贊

帝舜贊

夏禹贊

殷湯贊

湯禱桑林贊

周文王贊

周武王贊

周公贊

周成王贊

漢高帝贊

漢文帝贊

漢景帝贊

漢武帝贊

姜嫄簡狄贊

禹妻贊

斑婕妤贊

吹雲贊

赤雀賦贊

巢父贊

務光贊

商山四皓贊

三鼎贊

銘 二首

承露盤銘 有序

寶刀銘

卷八

章 二首

改封陳王謝恩章

封二子為公謝恩章

表 二十首

初封安鄉侯表

謝妻改封表

表自試表

求自試表 二首

謝賜柰表

諫伐遼東表

獻壁表

獻文帝馬表

上牛表

謝鼓吹表

求通親親表

慶文帝受禪表 二首

上卞太后誄表

上責躬詩表

龍見表

冬至獻襪頌表

上先帝賜鎧表

令 二首

黃初五年令

黃初六年令

卷九

文 二首

誥咎文

釋愁文

啓 七首

七啓 有序

詠 一首

九詠

序 一首

柳頌序

書 三首

與司馬仲達書

與楊德祖書

與吳季重書

誄 八首

任城王誄

大司馬曹休誄

光祿大夫荀侯誄

平原懿主公誄

武帝誄

文帝誄

卞太后誄

王仲宣誄 有序

哀辭 三首

金瓶哀辭

行女哀辭

仲雍哀辭

卷十

論 六首

漢二祖優劣論

相論

辯道論

令禽惡鳥論

魏德論

魏德論謳

穀 禾 鵲 鳩

說二首

藉田說

蠲體說

建安七子集目錄終

建安七子集卷之一

鄴中曹植子建著

四明

楊德周南仲輯

長樂鄴
振鐸西
存歸

陳朝輔燮五增訂

賦十首

東征賦 有序

建安十九年王師東征吳寇余典禁兵衛官省然神武一舉東夷必克想見振旅之盛故作賦二篇

登城隅之飛觀兮望六師之所營幡旗轉而心異兮舟楫動而傷情顧身微而任顯兮愧任重而命輕嗟

我愁其何爲兮、心遙思而懸旌、師旅憑皇穹之靈佑、
今亮元勳之必舉、揮生旗以東指兮、橫大江而莫御、

遊觀賦

靜閒居而無事、將遊目以自娛、登北觀而啓路、涉雲
際之飛除、從熙熊之武士、荷長戟而先驅、罷若雲歸、
會如霧聚、車不及回塵、不獲舉、奮袂成風、揮汗如雨、

懷親賦

有序

濟陽南澤有先帝故營、遂停駕造斯賦焉、

平原而南驚、觀先帝之舊營、步壁壘之常制、識旌

旗之所停、在官曹之典列、心髣髴於平生、回驥首而

永遊、赴修途以尋遠、情眷戀而顧懷、冀須臾而九反、

玄暢賦

有序

夫富者非財也、貴者非寶也、或有輕爵祿而重榮聲、
者、或有反性命而徇功名者、是以孔老異情、楊墨殊
義、聊作賦名曰玄暢、

夫何希世之大人、罄天壤而作皇、該仁聖之上義、據
神位以統方、補五常之漏闕、綴三代以維綱、僥余生
之倖祿、邁九二之嘉祥、上同契於稷卨、降合頌於伊

望思薦寶以繼佩。怨和璞之始鑄。思黃鍾以協律。怨伶蕞之不存。嗟所圖之莫合。悵蘊結而延佇。希鵬舉以搏天。蹶青雲而奮羽。企駟躍而改駕。任中才之展御。望前軌而致策。顧後乘而安驅。匪遲邁之短修。長前貞而保素。弘道德以爲宇。築無怨以作藩。溜慈惠以爲圃。畊柔順以爲田。不媿景而慚晷。言縣天之何欲。逸千載而流聲。超遺黎而度俗。

幽思賦

倚高臺之曲隅。處幽僻之間深。望翔雲之悠悠。羗朝霽而夕陰。顧秋華而零落。感歲暮而傷心。觀躍魚於南沼。聆鳴鶴於北林。搦素筆而慷慨。揚大雅之哀吟。仰清風以歎息。寄余思於悲絃。信有心而在遠。重登高以臨川。何余心之煩錯。寧翰墨之能傳。

節遊賦

覽宮宇之顯麗。實大人之攸居。建三臺於前處。飄飛陛以凌虛。連雲閣以遠徑。營觀榭於城隅。亢高軒以回跳。緣雲霓而結疏。仰西嶽之松岑。臨漳滏之清渠。觀靡靡而無終。何渺渺而難殊。亮靈后之所處。非吾

曹子建集 卷一
人之所廬於是仲春之月百卉叢生萋萋藹藹翠葉
朱莖竹林青葱珍果含榮凱風發而時鳥謹微波動
而水蟲鳴感氣運之和順樂時澤之有成遂乃浮素
蓋御驂騮命友生携同儔誦風人之所歎遂駕言而
出遊步北園而馳騫庶翱翔以解憂望洪池之滉漾
遂降集乎輕舟浮沉蟻於金罍行觴爵於好求絲竹
發而響厲悲風激於中流且容與以盡觀聊永日而
忘愁嗟羲和之奮迅怨曜靈之無光念人生之不永
若春日之微霜諒遺名之可紀信天命之無常愈志
蕩以淫游非經國之大綱罷曲宴而旋服遂言歸乎
舊房

感節賦

携友生而遊觀盡賓主之所求登高墉以永望與消
日以忘憂欣陽春之潛潤樂時澤之惠休望候鴈之
翔集想玄鳥之來遊嗟征夫之長勤雖處逸而懷愁
懼天河之一回沒我身乎長流豈吾鄉之足顧戀祖
宗之靈丘唯人生之忽過若鑿石之未耀慕牛山之
哀泣懼平仲之我笑折若華之翳日庶朱光之常照

願寄軀於飛蓬乘陽風之遠飄亮吾志之不從乃拊
心以歎息青雲鬱其西翔飛鳥翩而止匿欲縱體而
從之哀余身之無翼大風隱其四起揚黃塵之冥冥
鳥獸驚以來羣草木紛其揚英見遊魚之潏潏感流
波之悲聲內紆曲而潛結心怛惕以中驚匪榮德之
累身恐年命之早零慕歸全之明義庶不忝其所生

離思賦 有序

建安十六年大軍西討馬超太子留監國植時從焉
意有憶戀遂作離思賦云

在肇秋之嘉月將曜師而西旗余抱疾以賓從扶衡
軫而不怡慮征期之方至傷無階以告辭念慈君之
光惠庶沒命而不疑欲畢力於旌麾將何心而遠之
願我君之自愛爲皇朝而寶已水重深而魚悅林修
茂而鳥喜

釋思賦 有序

家弟出養族父郎中伊予以兄弟之愛心有戀然作
此賦以贈之

彼翔友之離別猶求思乎白駒况同生之義絕重背

曹子建集 卷一
五
親而爲疎、樂鴛鴦之同池、羨比翼之共林、亮根異其
何戚、痛別榦之傷心。

臨觀賦

登高塘兮望四澤、臨長流兮送遠客、春風暢而氣通、
靈草含幹兮木交莖、丘陵崛兮松柏青、南園夢兮果
載勞、樂時物之逸豫、悲予志之長違、歎東山之朔、勤
歌式微以咏歸、進無路以効功、退無隱以營私、俯無
鱗以遊遁、仰無翼以翻飛。

建安七子集卷之一

建安十子集卷之二

鄴中曹植子建著

四明

楊德周齊莊輯定

陳朝輔燮五增訂

賦

十首

潛志賦

潛大道以遊志、希往昔之遐烈、矯貞亮以作矢、當苑
囿之呈藝、驅仁義以爲禽、必忠信而後發、退隱身以滅
跡、進出世而取容、且摧剛而和謀、接處肅以靜恭、亮
知榮而守辱、匪徇天以爲通。

閒居賦

何吾人之介特、去朋匹而無儔、出靡時以娛志、入無樂以消憂、何歲月之若鶩、復民生之無常、感陽春之發節、聊輕駕而遠翔、登高丘以延企、時薄暮而起雨、仰歸雲以載奔、遇蘭蕙之長圃、嗅芬芳之可服、結春衡以延佇、入虛廊之閒館、步生風之高廡、踐密邇之修除、卽蔽景之玄宇、翡翠翔於南枝、玄鶴鳴於北野、青魚躍于東沼、白鳥戲於西渚、遂乃背通谷、對綠波、藉文茵、翳春華、丹轂更馳、羽騎相過、

慰子賦

彼凡人之相親、小離別而懷戀、況中殤之愛子、乃千秋而不見、入空室而獨倚、對孤幃而切歎、痛人亡而物在心、何忍而復觀、日晡晚而旣沒、月代照而舒光、仰列星以至晨、永霑露而含霜、惟逝者之日遠、愴傷心而絕腸、

叙愁賦

有序

時家二女弟故漢皇帝聘以爲貴人家母見二弟愁思故令予作賦曰

嗟妾身之微薄、信未達乎義方、遭母氏之聖善、奉恩
化之彌長、迄盛年而始立、修女職於衣裳、承師保之
明訓、誦六列之篇章、觀圖像之遺形、竊庶幾乎英皇、
委微軀於帝室、充末列於椒房、荷印紱之令服、非陋
才之所望、對牀帳而太息、慕二親以憎傷、揚羅袖而
掩涕、起出戶而彷徨、顧堂宇之舊處、悲一別之異鄉、

愁思賦

四節更王兮秋氣悲遙、思徬恍兮若有遺原、野蕭條
兮煙無依雲高氣靜兮露凝璣、野草變色兮莖葉稀
鳴蜩抱木兮鴈南飛、歸室解裳兮步庭前、月光照懷
兮星依天、居一世兮芳景遷、松喬難慕兮誰能仙、長
短命也兮獨何愆、

九愁賦

嗟離思之難忘、心慘毒而含哀、踐南畿之末境、越引
領之徘徊、捲浮雲以太息、顧攀登而無階、匪狗榮而
愉樂、信舊都之可懷、恨時王之謬聽、受奸枉之虛辭、
揚天威以臨下、忽放臣而不疑、登高陵而反顧、心懷
愁而荒悴、念先寵之既隆、哀後施之不遂、雖危亡之

不豫亮無遠君之心刈桂蘭而秣馬合余車於西林
願接翼於歸鴻嗟高飛而莫攀因流景而寄言響一
絕而不還傷時俗之趨險獨悵望而長愁感龍鸞而
匿跡如吾身之不留竄江介之曠野獨眇眇而沉舟
思孤客之可悲攻予身之翩翔豈天監之孔明將時
運之無常謂內思而自策美乃昔之愆殃以忠言而
見黜信母負於時王俗參差而不齊豈毀譽之可同
兢昏瞽以營私害予身之奉公共朋黨而妬賢俾予
濟乎長江差大化之移易悲性命之攸遭愁慊慊而
繼懷怛慘慘而情挽曠年載而不回長去君兮悠遠
御飛龍之蜿蜒揚翠霓之華旌絕紫霄而高鶩飄弭
節於天庭披輕雲而下觀覽九土之殊形顧南郢之
邦壤咸蕪穢而倚頓驂盤桓而思服仰御驥以悲鳴
紆子袂而長涕僕夫感以失聲履先王之正路豈淫
徑之可遵知犯君之招咎耻于媚而求親顧旋復之
無軌長自棄於遐濱與麋鹿以爲羣宿林藪之葳蕤
野蕭條而極望曠千里而無人民生期於必歿何自
苦以終身寧作清水之沉泥不爲濁路之飛塵踐蹊

曹子建集 卷二
四
隧之危阻登岩堯之高岑見失羣之離獸覲偏棲之
孤禽懷憤激以切痛苦回忍之在心愁戚戚其無爲
遊綠林而逍遙臨白水以悲嘯猿驚聽以失條亮無
怨而棄逐乃余行之所招

娛賓賦

遂衍賓而高會今丹幃擘以四張辦中厨之豐膳今
作齊鄭之妍倡文人騁其妙說今飛輕翰而成章談
在昔之清風今總賢聖之紀綱欣公子之高義今德
芬芳其若蘭揚仁恩於白屋今踰周公之棄餐聽仁
風以忘憂兮美酒清而有乾

愍志賦

有序

或人有好鄰人之女者時無良媒禮不成焉彼女遂
行適人有言之於予者予心感焉乃作賦曰
竊托音於往昔迄來春之不從思同遊而無路情壅
隔而靡通哀莫哀於永絕悲莫悲於生離豈良時之
難俟痛予質之日虧登高樓以臨下望所歡之攸居
去君子之清宇歸小人之蓬廬欲輕飛而從之迫禮
防之我屏

歸思賦

背故鄉而遷徂將遙憇乎他濱經平常之舊居感荒
壤而莫振城邑寂以空虛草木穢而荆藜嗟喬木之
無陰處原野其何爲信樂土之足慕忽并日之載馳

靜思賦

夫何美女之爛妖紅顏擘而流光卓特出而無疋呈
才好其莫當性通暢以聰惠行嬾密而妍詳蔭高岑
以翳日臨綠水之清流秋風起於中林離鳥鳴而相
求愁慘慘以增傷悲予安能乎淹留

終

建安七子集卷之三

鄴中曹植子建著

四明

楊德周齊莊輯定

陳朝輔燮五增言

賦 十一首

感婚賦

陽氣動兮淑清百卉鬱兮含英春風起兮蕭條蟄蟲
出兮悲鳴顧有懷兮妖嬈用騷首兮屏營登清臺以
蕩志伏高軒而游情悲良媒之不顧懼歡媾之不成
慨仰首而太息風飄飄以動纓

出婦賦

以才薄之陋質奉君子之清塵承顏色以接意恐疎
賤而不親悅新婚而忘妾哀愛惠之中零遂隨頽而
失望退幽屏於下庭痛一旦而見棄心怱怱以悲驚
衣入門之初服背床室而出征攀僕御而登車左右
悲而失聲嗟冤結而無訴乃愁苦以長宿恨無愆而
見棄悼君施之不終

洛神賦

有序

黃初三年余朝京師還濟洛川古人有言斯水之神

名曰宓妃感宋玉對楚王神女之事遂作斯賦其詞
曰

余從京城言歸東藩背伊闕越轅轅經通谷陵景山
日既西傾車殆馬煩爾乃稅駕乎蘅皋秣駟乎芝田

容與乎陽

一作楊

林流盼乎洛川於是情移神駭忽焉

思散俯則未察仰以姝觀覩一麗人於岩之畔迺援
御者而告之曰爾有覲於彼者乎彼何人斯若此之
艷也御者對曰臣聞河洛之神名曰宓妃然則君王
之所見也無奈一作迺是乎其狀若何臣願聞之余告

之曰其形也。翩若驚鴻。婉若游龍。榮曜秋菊。華茂春松。髣髴兮若輕雲之蔽日。飄颻兮若流風之回雪。遠

而望之。皎若太陽升朝霞。迫而察之。灼若芙蓉一作葉

出綠波。穠纖得衷。一作中修短合度。肩若削成。腰如約

素。延頸秀項。皓質呈露。芳澤無加。鉛華弗御。雲鬢裁

我。修眉聯娟。丹唇外朗。皓齒內鮮。明眸善睐。輔幄承

權。環姿艷逸。儀靜體閑。柔情綽態。媚於語言。奇服曠

世。骨像應圖。披羅衣之璀璨兮。珥瑤碧之華瑤。戴金

翠之首飾。綴明珠以耀軀。踐遠遊之文履。曳霧縠之

輕裾。微幽蘭之芳藹兮。步踟躕於山隅。於是忽焉縱

體。以遨以嬉。左倚采旄。右蔭桂旗。攘皓腕於神滸兮。

采湔瀨之玄芝。余情悅其淑美兮。心振蕩而不怡。無

良媒以接歡兮。托微波而通辭。願誠素之先達兮。解

玉佩以要之。嗟佳人之信修羗習禮而明詩。抗瓊瑤

以和予兮。指潛淵而為期。執眷眷之款實兮。懼斯

之我欺。感交甫之棄言兮。悵猶豫而狐疑。收和顏而

靜志兮。申禮防以自持。於是洛靈感焉。徙倚彷徨。神

光離合。乍陰乍陽。竦輕軀以鶴立。若將飛而未翔。踐

椒塗之郁烈。步蘅薄而流芳。超長吟以永慕。今聲哀厲而彌長。爾迺眾靈雜遘。命儔嘯侶。或戲清流。或翔神渚。或採明珠。或拾翠羽。從南湘之二妃。携漢濱之遊女。歎匏瓜之無匹。今詠牽牛之獨處。揚輕袿之猗綺。一作靡兮。翳修袖以延佇。體迅飛鳧。飄忽若神。凌波微步。羅襪生塵。動無常則。若危若安。進止難期。若往若還。轉盼流精。光潤玉顏。含辭未吐。氣若幽蘭。華容婀娜。令我忘餐。於是屏翳收風。川后靜波。馮夷鳴鼓。女媧清歌。騰文魚以警乘。鳴玉鑿以偕逝。六龍儼其

齊首。載雲車之容裔。鯨鯢踊而來轂。水合揚翔而為衛。於是越北沚。過南岡。紆素領。回清陽。動朱唇以徐言。陳交接之大綱。恨人神之道殊。今怨盛年之莫當。抗羅袂以掩涕。今淚流襟之浪浪。悼良會之永絕。今哀一逝而異鄉。無微情以效愛。今獻江南之明璫。雖潛處於太陰。長寄心於君王。忽不悟其所舍。悵神霄而蔽光。於是背下陵高足。往神畱。遺情想像。顧望懷愁。冀靈體之復形。御輕舟而上泝。浮長川而忘反。思綿綿而增慕。夜耿耿而不寐。霜繁霜而至曙。命僕夫而

就駕善將歸乎東路、攬駢轡以抗策、悵盤桓而不能去、

愁霖賦

迎朔風而爰邁、今雨微微而逮行、悼朝陽之隱曜、今怨北辰之潛精神、結轍以盤桓、今馬躑躅以悲鳴、攀扶桑而仰觀、今假九日於天、皇瞻沈雲之泱泱、今哀吾願之不將、又曰夫季秋之淫雨、今既彌日而成霖、瞻玄雲之晻晻、今聽長空之淋淋、中宵卧而歎息、起飾帶而撫琴、

喜霽賦

禹身逝於陽旰、卒錫圭而告成、湯感旱於殷時、造桑林而敷誠、動玉朝而雲披、鳴鑿鈴而日陽、北極以爲期、吾將倍道而兼行、

登臺賦

從明后之嬉遊、聊登臺以娛情、見天府之廣開、觀聖德之所營、建高殿之嵯峨、浮雙闕乎太清、立冲天之華觀、飛閣乎西城、臨漳川之長流、望衆果之滋榮、仰春風之和穆、聽百鳥之悲鳴、天功但、其既立、家顛

得而獲呈揚仁化於宇內盡肅恭於上京雖桓文之
爲盛豈足方乎聖明休矣美矣惠澤遠揚翼佐皇家
寧彼四方同天地之矩量齊日月之輝光立中天之
資四九華扇賦有序
昔吾先君常侍得幸漢桓帝賜方扇不方不圓其中
結成文名曰九華其辭曰

有裊區之名竹生不周之高岑對綠水之素波背玄
澗之重深體虛暢以立幹播翠葉以成林形五離而
九華變薰解而漉分效虬龍之蜿蜒法虹霓之氤氳
因形致好不常厥儀方不應矩圓不中規隨皓腕以
徐轉發惠風之寒微時氣清以方厲紛飄動兮統綺

寶刀賦有序

建安中魏王命有司造寶刀五板以龍熊鳥雀爲識
太子得一余弟饒陽侯各得一焉

有皇漢之明后思明達而玄通飛文藻以博致揚武
備以禦凶然後礪五方之石鑿以中黃之壤規圓景
以定環攄神思而造象陸斷犀革水斷龍角輕繫浮
截刀不纖流踰南越之巨闕超有楚之秦阿寔真人

之攸遇永天祿而是荷

車渠椀賦

惟新椀之所生于涼風之浚濱采金光之定色擬朝陽而發輝豐玄素之曄曄帶朱榮之葳蕤緼絲綸以肆采藻繁布以相追翩飄颻而浮景若驚鵠之雙飛隱神璞於西野彌百葉而莫希于時乃有篤厚神后廣被仁聲夷慕義而重使獻茲寶於斯庭命公輸之巧匠窮妍麗之殊形華色粲爛文若點成鬱蒼雲蒸蜿蟬龍征光如激電影若浮星何神怪之巨偉信一覽而九驚雖離朱之聰目內炫耀而失精何明麗之可悅超羣寶而特章俟君子之閒燕酌甘醴於斯觥既娛情而可貴故永御而不忘

迷迭香賦

播西都之麗草兮應青春而凝暉流翠葉於纖柯兮結微根於丹墀信繁華之速實兮弗見凋於嚴霜芳莫秋之幽蘭兮麗崑崙之英芝既經時而收采兮遂幽殺以增芳去枝葉而特御兮入綃縠之霧裳附玉體以行止兮順微風而舒光

大暑賦

炎帝掌節祝融司方羲和按轡南雀舞衡蛇折鱗於
靈窟龍解角於皓蒼遂乃温風赫戲草木重幹山折
海沸沙融礫爛飛魚躍渚潛鼃浮岸鳥張翼而近栖
獸交遊而雲散于時黎庶徙倚綦布葉分機女絕綜
農夫釋耘背暑者不羣而齊跡向陰者不會而成羣
於是大人遷居宅幽緩神育靈雲屋重構閒房肅清
寒泉涌流玄木奮榮積素冰於幽館氣飛結而為霜
奏白雪於琴瑟胡風感而增涼

建安七子集卷之四

鄴中曹植子建著

四明

楊德周齊莊輯定

陳朝輔燮五增訂

賦 十三首

神龜賦 有序

龜壽千歲時有遺余龜者數日而歿肌肉消盡唯甲
存焉余感而賦之曰
嘉四靈之建德各潛位乎一方蒼龍虬於東嶽白虎
嘯於西崗玄武集於寒門朱雀棲於南鄉順仁風以

消息應聖時而後翔嗟神龜之奇物體乾坤之自然
下夷方以則地上規隆而法天順陰陽以呼吸藏景
曜於重泉餐飛塵以實氣飲不竭於朝露步容趾以
俯仰時鸞回而鶴顧忽萬載而不恤周無疆於太素
感白龍之翔翥卒不免乎豫且雖見珍於宗廟罹剝
剝之重辜欲愬怨於上帝將等愧乎游魚懼沈泥之
逢殆赴芳蓮以巢居安玄雲而好靜不滯翔而改度
晉嚴周之抗節援斯靈而托喻嗟祿運之屯蹇終遇
獲於江濱歸籠檻以幽處遭淳美之仁人晝顧瞻以
終日夕撫順而接晨邁滯災以殞越命勦絕而不振
天道昧而未分神明幽而難燭黃氏沒於空澤松喬
化於扶木虵折鱗於平臯龍脫骨於深谷亮物類之
遷化疑斯靈之解殼

白鶴賦

嗟皓麗之素鳥兮含奇氣之淑祥薄幽林以屏處兮
蔭重景之餘光狹單巢於弱條兮懼衝風之難當無
沙棠之逸志兮欣六翮之不傷承邂逅之僥倖兮得
接翼於鳳凰同衣毛之氣類兮信休息之同行痛美

會之中絕兮遘嚴災而逢殃共太息而祇懼兮抑吞
聲而不揚傷本規之違忤悵離羣而獨處恒竄伏以
窮栖獨哀鳴而戢羽冀大綱之難結得奮翅而遠遊
聆雅琴之清韻記六翮之末流

蟬賦

唯夫蟬之清素兮潛厥類乎太陰在盛陽之仲夏兮
始遊豫乎芳林實澹泊而寡慾兮獨怡樂而長吟聲
噉噉而彌厲兮似貞士之介心內含和而弗食兮與
衆物而無求棲高枝而仰首兮漱朝露之清流隱柔
桑之稠葉兮快閒居而遁暑苦黃雀之作害兮患螳
螂之勁斧冀飄翔而遠托兮毒蜘蛛之網罟欲降身
而卑竄兮懼草蟲之襲予免衆難而弗獲兮遙遷集
乎宮宇依名果之茂陰兮托修幹以靜處有翩翩之
狡童兮步容與於園圃體離朱之聰視兮姿才捷於
獼猿條罔葉而不挽兮樹無幹而不緣翳輕驅而奮
進兮跪側足以自閒恐余身之驚駭兮晴曾睨而目
連持柔竿之冉冉兮運微黏而我纏欲翻飛而逾滯
兮知性命之長捐委厥體於庖夫熾炎炭而就燔秋

霜紛以宵下晨風烈其過庭氣憊但而薄軀足攀木
而失莖吟嘶啞以沮敗狀枯槁以喪形辭曰詩歎鳴
蜩聲嘒嘒兮盛陽則來大陰逝兮皎皎貞素侔夷節
今帝臣是戴尚其潔兮

鸚鵡賦

美中州之令鳥越衆類之殊名感陽和而振翼遁太
陰以存形遇旅人之嚴網殊六翮之無遺身挂滯於
重籠孤鶯鳴而獨歸豈予身之足惜憐衆難之未飛
分靡軀以潤鑊何全濟之敢希蒙含育之厚德奉君
子之光輝怨身輕而施重恐往惠之中虧常戢心以
懷懼雖處安其若危永哀鳴其報德庶終來而不疲

鸚鵡賦 有序

鸚之爲禽猛氣其鬪終無勝負期於必死遂賦之焉
美遐圻之偉鳥生太行之巖阻體貞剛之烈性亮乾
德之所輔戴毛角之雙立揚玄黃之勁羽其沉隕而
重辱有節士之儀矩降居檀澤高處保岑遊不同嶺
棲必異林昔有翻雄駭逝孤鶯驚翔則長鳴挑敵鼓
翼專場踰高越壑雙不隻僵階侍斯珥俯耀文堦成

武官之首飾增庭燎之高輝

離繳鴈賦

有序

余遊於武陵中有鴈離繳不能復飛顧命舟人追而得之故憐而賦焉

憐孤鴈之偏特情凋焉而內傷含中和之經氣赴四節而征行遠玄冬於南裔避炎夏於朔方挂微軀之輕翼忽頽落而離群旅朋驚而鳴逝徒矯首而莫聞甘充君之下厨膏函牛之鼎鑊蒙生全之顧覆何恩施之隆溥於是縱軀歸命無慮無求饑食稻梁渴飲

清流

鵲雀賦

鵲欲取雀

雀自

言雀微賤身體此小肌肉瘠瘦所得

益少君欲相噉實不足飽鵲得雀言初不敢語頃來轍軻資糧乏旅再日不食略思死鼠今日相得寧復置汝雀得鵲言意甚征營性命至重雀鼠貪生君得一食我命是傾皇天降監賢者是聽鵲得雀言意甚但惋當死斃雀頭如果蒜不早首服烈頸大喚行人聞之莫不往觀雀得鵲言意甚不移目如擘椒跳蕭

曹子建集 卷四 五
二翅我當死矣略無可避鷄乃置雀良久方去二雀
相逢似是公姬相將入草共上一樹仍叙本未辛苦
相語向_者出爲鷄所捕賴我翻捷體素便附說我辨
語千條萬句欺恐舍長令兒大怖我之得免復勝於
兔自今徒意莫復相妬

蝙蝠賦

曰吁何奸氣生茲蝙蝠形殊性詭每變常式行不出
足飛不假翼明伏暗動盡似鼠形謂鳥不似二足爲
毛飛而含齒巢不哺穀空不乳子不容毛羣斤逐羽
族卜不蹈陸上不馮木

芙蓉賦

覽百卉之英茂無斯華之獨靈結修根於重壤泛清
流而擢莖其始榮也噉若夜光尋扶桑其揚暉也晷
若九陽出暘谷芙蓉蹇產菡萏星屬絲條垂珠丹榮
吐綠焜焜韡韡爛若龍燭觀者終朝情猶未足於是
狡童媛女相與同遊擢素手於羅袖接紅葩於中流

酒賦

有序

余覽楊雄酒賦辭甚瑰瑋頗戲而不雅聊作酒賦粗

究其終始賦曰

嘉儀氏之造思亮茲美之獨珍仰酒旗之景曜協嘉
號於天辰穆生以醴而辭楚侯羸感爵而輕身其味
有宜城醪醴蒼梧縹清或秋藏冬發或春醞夏成或
雲拂潮涌或素蟻浮萍爾乃王孫公子遊俠翱翔將
承芬以接意會陵雲於朱堂獻酬交錯宴笑無方於
是飲者並醉縱橫誼譁或揚袂屢舞或扣劍清歌或
頻蹙辭觴或奮爵橫飛或歌驪駒既駕或稱朝露之
晞於斯時也質者或文剛者或仁卑者忘賤窶者忘
貧於是矯俗先生聞之而歎曰噫夫言何容易此乃
淫荒之源非作者之事若耽于觴酌流情縱逸先王
所禁君子所斥

槐賦

羨良木之華麗爰獲貴于至尊憑文昌之華殿森列
峙乎端門觀朱櫳之振條據文陛於結根暢沉陰以
溥覆似明后之垂恩在季春以初茂踐朱夏而乃繁
覆陽精之炎景散流耀以增鮮

植橘賦

有朱橘之珍樹於鶉火之遐鄉稟太陽之烈氣嘉杲
日之休光體天然之素分不遷徙於殊方播萬里而
遙植列銅爵之園廷背山川之暖氣處玄朔之肅清
邦換壤別爰幾喪生處彼不凋在此先零朱實不卸
焉得素榮惜寒暑之不均嗟華實之永乖仰凱風以
傾葉異炎氣之可懷颺鳴條以流響希越鳥之來棲
夫靈德之所感物無微而不和神蓋幽而易激信天
道之不訛旣萌根而弗幹諒結葉而不華漸玄化而
弗變非彰德於邦家附微條以嘆息哀草未之難化

述行賦

尋曲路之南隅觀秦政之驪墳哀黔首之罹毒酷始
皇之爲君濯余身於秦井

溫泉也

律湯液之若焚

建安七子集卷之五

鄴中曹植子建著

四明

楊德周齊莊輯定

陳朝輔燮五增訂

詩 三十四首

公宴

公子愛敬客。終宴不知疲。清夜遊西園。飛蓋相追隨。
明月澄清影。列宿正參差。秋蘭被長坂。朱華冒綠池。
潛魚躍清波。好鳥鳴高枝。神飈接丹轂。輕輦隨風移。
飄飄放志意。千秋長若斯。

侍太子坐

白日曜青春時雨靜飛塵寒氷辟炎景涼風飄我身
清醴盈金觴餽饌縱橫陳齊人進奇樂歌者出西秦
翩翩我公子機巧忽若神

七哀

明月照高樓流光正徘徊上有愁思婦悲歎有餘哀
借問歎者誰言是宕子妻君行踰十年孤妾常獨棲
君若清路塵妾若濁水泥浮沉各異勢會合何時諧
願爲西南風長逝入君懷君懷良不開賤妾當何依

鬪雞

遊目極妙伎清聽厭宮商主人寂無爲衆賓進樂方
長筵坐戲客鬪雞觀閒房羣雄正翕赫雙翹自飛揚
揮羽邀清風悍日發朱光觜莆落輕毛散嚴距往往傷
長鳴入青雲扇翼獨翱翔願蒙狸膏助常得擅此場

元會

初歲元祚吉日惟良乃爲佳會宴此高堂衣裳鮮潔
黼黻玄黃珍膳雜環充溢圓方俯視文軒仰瞻華梁
願保茲喜千載爲常歡笑盡娛樂哉未央皇家榮貴

壽考無疆

送應氏

步登北邙

一作芒

阪遥望洛陽山洛陽何寂寞宮室盡

燒焚垣墻皆頓擗荆棘上參天不見舊耆老但覩新

少年側足無行逕荒疇不復田遊子久不歸不識陌

與阡中野何蕭條千里無人煙念我平生親

一作常居氣

結不能言

其二

清時難屢得嘉會不可常天地無終極人命若朝霜

願得展嫵媚我友之朔方親昵並集送置酒此河陽

中饋豈獨薄賓飲不盡觴愛至望若深豈不愧中腸

山川阻且遠別促會日長願爲比翼鳥施翮起高翔

雜詩

高堂多悲風朝日照北林之子在萬里江湖迥且深

方舟安可極離思故難任孤鴈飛南游高庭長哀吟

翹思慕遠人願欲托遺音形影忽不見翩翩傷我心

其二

轉蓬離本根飄颻隨長風何意迴飈舉吹我入雲中

高高上無極。天路安可窮。類此遊客子。骨軀遠從戎。
毛褐不掩形。薇藿常不充。去去莫復道。沈憂令人老。

其三

西北有織婦。綺縞何繽紛。明晨秉機杼。日晏不成文。
太息終長夜。悲嘯守青雲。妾身入空閨。良人行從軍。
自期三年歸。今已歷九春。飛鳥遶樹翔。嗷嗷鳴索羣。
願爲南流景。馳光見我君。

其四

南國有佳人。容華若桃李。朝遊北海

一作江北

岸。夕宿瀟

湘。時俗薄朱顏。誰爲發皓齒。
俯一作俛 仰歲將暮。榮

耀難久恃。

其五

僕夫早嚴駕。吾行將遠遊。遠遊欲何之。吳國爲我仇。
將聘萬里塗。東路安足由。江介多悲風。淮泗馳急流。
願欲一輕濟。惜哉無方舟。閑居非吾志。甘心赴國憂。

其六

飛觀百餘尺。臨牖御檣軒。遠望周千里。朝夕見平原。
烈士多悲心。小人媮

一作偷 自閒國讐亮不塞。甘心思

喪元拊劔西南望。思欲赴太山。絃急悲聲發。聆我慷慨言。

喜雨

天覆何彌廣。苞育此羣生。棄之必憔悴。惠之則滋榮。慶雲從北來。鬱述西南征。時雨終夜降。長雷周我庭。喜種盈膏壤。登秋必有成。

離友

有序

鄉人有夏侯威者。少有成人之風。余尚其爲人。與之昵好。王歸振旅。送予于魏。邦心有眷。然爲之隕涕。乃作離友之詩。其辭曰。

王旅遊兮背故鄉。彼君子兮篤人綱。勝予行兮歸朔方。馳原隰兮尋舊疆。我車奔兮馬繁驤。涉浮濟兮泛輕航。迄魏都兮息蘭房。展宴好兮惟樂康。

應詔

肅承明詔。應會皇都。星陳夙駕。秣馬脂車。命彼掌徒。肅我征旅。朝發鸞臺。夕宿蘭渚。芒芒原隰。祁祁士女。經彼公田。樂我稷黍。爰有樛木。重陰匪息。雖有餼糧。饑不遑食。望城不過。面色不遊。僕夫警策。平路是由。

玄駟藹藹揚鏡漂沫流風翼衡輕雲承蓋涉澗之濱
緣山之隈遵彼河濟黃阪是階西濟關谷或降或升
駢駮倦路載寢載興將朝聖皇匪敢晏寧弭節長鶩
指日遄征前驅舉燧後乘抗旌輪不輟運鸞無廢聲
爰暨帝室稅此西墉嘉詔未賜朝覲莫從仰瞻城闕
俯惟闕廷長懷永慕憂心如醒

贈徐幹

驚風飄白日。忽然歸西山。圓景光未滿。眾星粲以繁。
志士營世業。小人亦不閒。聊且夜行游。遊彼雙闕間。

文昌鬱雲興。迎風高中天。春鳩鳴飛棟。流焱激懦軒。
顧念蓬室士。貧賤誠足憐。薇藿弗充虛。皮褐猶不全。

慷一作先慨有悲心。興文自成篇。寶棄怨何人。和氏有

其愆。彈冠俟知己。知己誰不然。良田無急歲。膏澤多
豐年。亮懷璵璠美。積久德愈宣。親交義在敦。申章復
何言。

贈丁儀

初秋涼氣發。庭樹微銷落。凝霜依玉除。清風飄飛閣。
朝雲不歸山。霖雨成川澤。黍稷委疇隴。辰夫安所獲。

在貴多忘賤。爲恩誰能博。狐白足禦冬。焉念無衣客。
思慕延陵子。寶劍非所惜。子其寧爾心。親交義不薄。
贈王粲

端坐苦愁思。攬衣起西遊。樹木發春華。清池激長流。
中有孤鴛鴦。哀鳴求匹儔。我願執此鳥。惜哉無輕舟。
欲歸忘故道。顧望但懷愁。悲風鳴我側。羲和逝不留。
重陰潤萬物。何懼澤不周。誰令君多念。遂一作使懷
百憂。

贈丁儀王粲

從軍度函谷。驅馬過西京。山岑

一作峯

高無極。涇渭揚

濁清。壯哉帝王居。佳麗殊百城。員闕浮出雲。承露槩
泰清。皇佐揚天惠。四海無交兵。權家雖愛勝。全國爲
令名。君子在未位。不能歌德聲。丁生怨在朝。王子歡
自營。難一作歡怨非貞則。中和誠可經。

贈白馬王彪

謁帝承明廬。逝將歸舊疆。清晨發皇邑。日夕過首陽。
伊洛廣且深。欲濟川無梁。泛舟越洪濤。怨彼東路長。
顧瞻戀城闕。引領情內傷。太谷何寥廓。山樹鬱蒼蒼。

霖雨泥我塗。流潦浩縱橫。中達絕無軌。改轍登高崗。
 修坂造雲日。我馬玄以黃。玄黃猶能進。我思鬱以紆。
 鬱紆將何念。親愛在離居。本圖相與偕。中更不克俱。
 鷓鴣鳴衡軌。豺狼當路衢。蒼蠅間白黑。讒巧令親踈。
 欲還絕無蹊。攬轡止踟躕。踟躕亦何留。相思無終極。
 秋風發微涼。寒蟬鳴我側。原野何蕭條。白日忽西匿。
 歸鳥赴喬林。一作木翩翩厲羽翼。孤獸走索羣。銜草不
 遑食。感物傷我懷。撫心長太息。太息將何為。天命與
 我違。奈何念同生。一往形不歸。孤魂翔故域。一作城靈

柩寄京師。存者忽復已。一作過亡歿身自衰。人生處一
 世。去若朝露晞。年在桑榆間。影響不能追。自顧非金
 石。咄嗟令心悲。心悲動我神。棄置莫復陳。丈夫志四
 海。萬里猶比鄰。恩愛苟不虧。在遠分日親。何必同衾
 情。然後展慇懃。憂思成疾疢。一作疾無乃兒女仁。倉卒
 骨肉情。能不懷苦辛。苦辛何慮思。天命信可疑。虛無
 求。列仙松子久。吾欺變故在。斯須百年誰能持。離別
 永無會。執手將何時。王其愛玉體。俱享黃髮期。收淚
 卽長路。援筆從此辭。

贈丁翼

嘉賓填城闕。豐膳出中厨。吾與二三子。曲宴此城隅。
秦箏發西氣。齊瑟揚東謳。肴來不虛歸。觴至反無餘。
我豈狎異人。朋友與我俱。大國多良材。譬海出明珠。
君子義休備。小人德無儲。積善有餘慶。榮枯立可須。
滔蕩固大節。世俗多所拘。君子通大道。無願爲世儒。

朔風

仰彼朔風用。懷魏都。願騁代馬。倏忽北徂。凱風永至。
思彼蠻方。願隨越鳥。翻飛南翔。四氣代謝。懸景運周。

別如俯仰。脫若三秋。昔我初遷。朱華未希。今我旋止。
素雪云飛。俯降千仞。仰登天阻。風飄蓬飛。載離寒暑。
千仞易陟。天阻可越。昔我同袍。今永乖別。子好芳草。
豈忘爾貽。繁華將茂。秋霜悴之。君不乖眷。豈云其城。
秋蘭可喻。桂樹冬榮。絃歌蕩思。誰與銷憂。臨川慕思。
何爲泛舟。豈無和樂。游非我隣。誰忘汎舟。愧無榜人。

矯志

芳樹雖香。難以餌烹尸。位素餐。難以成名。磁石引鐵。
於金不連。大朝舉士。愚不聞焉。抱壁塗乞。無爲貴寶。

履仁遘禍、無為貴道、鴛鴦遠害、不羞卑棲、靈虬避難、
 不耻汚泥、都蔗雖甘、杖之必折、巧言雖美、用之必滅、
 濟濟唐朝、萬邦作孚、逢蒙雖巧、必得良弓、聖主雖智、
 必得英雄、螳螂見歎、齊士輕戰、越王軾蛙、國以死獻、
 道遠知驥、世偽知賢、覆之壽之、順天之矩、澤如凱風、
 惠如時雨、口為禁闥、舌為發機、門機之關、桔矢不追、

閨情

攬衣出中閨、逍遙步兩楹、開房何寂寞、綠草被階庭、
 空穴一作自生風、百鳥翔南征、春思安可忘、憂戚與

我并佳人在、遠道妾身單、且笑歡會難、再逢一作芝

蘭不重榮、人皆棄舊愛、君豈若平生、寄松為女蘿、依
 水如浮萍、齋身奉衿帶、朝夕不墮一作傾儻終顧盼

恩一作儻願永副我中情

其二

有美一人、被服織羅、妖姿艷麗、蒼若春華、紅顏韡韡、
 雲鬢峩峩、彈琴撫節、為我絃歌、清濁齊均、既亮且和、
 取樂今日、遑恤其他

三良

曹子建集 卷五
功名不可爲忠義我所安秦穆先下世三臣皆自殘
生時等榮樂既沒同憂患誰言捐軀易殺身誠獨難
攬涕登君墓臨穴仰天歎長夜何冥冥一往不復還
黃鳥爲悲鳴哀哉傷肺肝

責躬

於穆顯考時惟武皇受命于天寧濟四方朱旗所拂
九土披攘玄化湧流荒服來王超商越周與唐比踪
篤生我皇奕世載聰武則肅烈文則時雍受禪於漢
君臨萬邦萬邦既化率由舊則廣命懿親以藩王國

帝曰爾侯君茲青土奄有海濱方周于魯車服有輝
旗章有敘濟濟雋乂我弼我輔伊爾小子恃寵驕盈
舉挂時網動亂國經作藩作屏先軌是隳傲我皇使
犯我朝儀國有典刑我削我黜將寘于理元克是率
明明天子時惟篤類不忍我刑暴之朝肆違彼執憲
哀予小臣改封堯邑于河之濱股肱弗置有君無臣
荒淫之闕誰弼余身笑煢僕夫于彼冀方嗟予小子
乃罹斯殃赫赫天子恩不遺物冠我玄冕要我朱紱
光光天使我榮我華剖符授玉王爵是加仰齒金璽

南唐書 卷五
俯執聖策皇恩過隆祇承休惕咨我小子頑兇是嬰
逝慙陵墓存愧闕庭匪敢傲德寔恩是恃威靈改加
足以沒齒昊天罔極生命不圖常懼顛沛抱罪黃壚
願蒙矢石建旗東嶽庶立毫釐微功自贖危軀授命
知足免戾甘赴江湘奮戈吳越天啓其衷得會京畿
遲奉聖顏如渴如饑心之云慕愴矣其悲天高聽卑
皇肯照微

情詩

微陰翳陽景。清風飄我衣。游魚潛綠水。翔鳥薄天飛。
眇眇客行士。徭役不得歸。始出嚴霜結。今來白露晞。
遊者歎黍離。處者歌式微。慷慨對嘉賓。悽愴內傷悲。
妬

嗟爾同衾。曾不是志。寧彼冶容。安此妬忌。

芙蓉池

逍遙芙蓉池。翩翩戲輕舟。南楊雙栖鵠。北柳有鳴鳩。

雜詩

悠悠遠行客。去家千餘里。出亦無所之。入亦無所止。
浮雲翳日光。悲風動地起。

慶雲未時興雲龍潛作魚神鸞失其儔還從燕雀居

七步詩

煮豆燃豆其豆在釜中泣本是同根生相煎何太急

芙蓉賦

曹子建集卷之五終

建安七子集卷之六

鄴中曹植子建著

四明

楊德周齊莊輯定

陳朝輔燮五增訂

樂府 四十一首

筵篋引

置酒高殿上親友從我遊中厨辦豐膳烹羊宰肥牛

秦箏何慷慨齊瑟和且柔陽阿奏奇舞京洛出名謳

樂飲過三爵緩帶傾庶羞主稱千金壽賓奉萬年酌

久要不可忘薄終義所尤謙謙君子德馨折何所求

驚風飄。日光景馳西流。盛時不再來。百年忽我遯。
生。存華屋處。零落歸山丘。先民誰不死。知命復何憂。

升天行

乘躋迫術士。遠之蓬萊山。靈液飛素波。蘭桂上參天。
玄豹遊其下。翔鵞戲其巔。乘風忽登舉。彷彿見衆仙。

其二

扶桑之所出。乃在朝陽谿。中心凌蒼昊。布葉蓋天涯。
日出登東幹。既夕沒西枝。願得紆陽轡。回日使東馳。

僊人篇

僊人攬六者對博太山隅。湘娥拊琴瑟。秦女吹笙竽。
玉樽盈甘酒。河伯獻神魚。四海一向局。九州安所如。
韓終與王喬。要我於天衢。萬里不足步。輕舉凌太虛。
飛騰踰景雲。高風吹我軀。迴駕觀紫微。與帝合靈符。
閶闔自嵯峨。雙闕萬丈餘。玉樹扶道生。白虎夾門樞。
驅風遊四海。東過王母廬。俯觀五嶽間。人生如寄居。
潛光養羽翼。進趨且徐徐。不見軒轅氏。乘一作龍出。
鼎湖徘徊九天上。與爾長相須。

妾薄命

曹子建集 卷六
一
攜玉手喜同車。北上雲閣飛除。釣臺蹇產清虛池。塘
觀沼可娛仰。泛龍舟綠波。俯擢神草枝。柯想彼宓妃。
洛河退詠漢女。湘娥

其二

日月既逝西藏。更會蘭室洞房。華燈步障舒光。皎若
日出扶桑。促樽合坐。行觴主人起舞。娑鬟能者穴觸。
別端騰觚飛爵。闌干同量。等色齊顏。任意交屬。所歡
朱顏發。外形蘭袖。隨禮容極。情妙舞仙。仙體輕裳。解
履遺絕纓。俛仰笑喧。無呈覽持。佳人玉顏齊舉金爵。
翠盤手彤羅袖。良難腕弱。不勝珠環。坐者歎息舒顏。
御巾裏粉。君傷中有霍納。都梁雞舌。五味雜香。進者
何人齊姜。恩重愛深。難忘召延親好。宴私但歌盃來。
何遲客賦。既醉言歸。主人稱露未晞。

白馬篇

白馬飾金羈。連翩西北馳。借問誰家子。幽并遊俠兒。
少小出鄉邑。揚聲一作沙漠垂。宿昔秉良弓。楛矢何
參差。控弦破左的。右發摧丹支。仰手接飛猱。疑作俯
身散馬蹄。狡捷過猴猿。勇剽若豹螭。邊城多警急。虜

騎一作胡虜數遷移。羽檄從北來。厲馬登高堤。長驅蹈匈

奴。左顧陵鮮卑。棄身鋒刃端。性命安可懷。父母且不

顧。何言子與妻。名在一作編壯士籍。不得中顧私。捐軀

赴國難。視死忽如歸。

名都篇

名都多妖女。京洛出少年。寶劍直千金。被服麗且鮮。

鬪雞東郊道。走馬長楸間。馳騁未能半。雙兔過我前。

攬弓捷鳴鏑。長驅上南山。左挽因右發。一縱兩禽連。

餘巧未及展。仰手接飛鳶。觀者咸稱善。衆工歸我妍。

我歸宴平樂。美酒斗十千。膾鯉膾胎鮓。炮鼈炙熊蹯。

鳴儔嘯匹侶。列坐竟長筵。連翩擊鞠懷。巧捷惟萬端。

白日西南馳。光景不可攀。雲散還城邑。清晨復來還。

薤露行

天地無窮極。陰陽轉相因。人居一世間。忽若風吹塵。

願得展功勤。輸力於明君。懷此王佐才。慷慨獨不羣。

鱗介尊神龍。走獸宗麒麟。蟲獸猶知德。何況於士人。

孔氏刪詩書。王業粲已分。騁我逕寸翰。流藻垂華芬。

豫章行

窮達難豫圖禍福信亦然虞舜不逢堯耕耘處中田
太公未遭文漁釣終渭川不見魯孔丘窮困陳蔡間
周公下白屋天下稱其賢

其二

鴛鴦自朋

一作用

親不若此翼連他人雖同盟骨肉天

性然周公穆康叔管蔡則流言子臧讓千乘季札慕
其賢

美女篇

美女妖且閑採桑岐路間柔條分冉冉落葉何翩翩

攘袖見素手皓腕約金環頭上金雀釵腰佩翠琅玕

明珠交玉體珊瑚間玉

一作難羅衣何飄飄輕裾隨

風還顧盼遺光彩長嘯氣若蘭行徒用息駕休者以
忘餐借問女何居乃在城南端青樓臨大路高門結
重關容華耀朝日誰不希令顏媒氏何所營玉帛不
時安佳人慕高義求賢良獨難衆人徒嗷嗷安知彼
所觀盛年處房室中夜起長歎

豔歌

出自薊北門遙望湖池桑枝枝自相值葉葉自相當

遊僊

人生不滿百歲歲少歡娛意欲奮六翮排霧凌紫虛
蟬蛻同松喬翻跡登鼎湖翱翔九天上騁轡遠行遊
東觀扶桑曜西臨弱水流北極玄天渚南翔陟丹丘
五遊詠

九州不足步願得凌雲翔逍遙八紘外遊目歷遐荒
披我丹霞衣襲我素霓裳華蓋芳晻藹六龍仰天驤
曜靈未移景倏忽造昊蒼閭闔啓丹扉雙闕曜朱光
徘徊文昌殿登陟太微堂上帝休西櫺羣后集東廂

帶我瓊瑤佩漱我沆瀣漿踟躕玩靈芝徙倚弄華芳

玉子奉僊藥羨門進奇方服食享遐紀延壽保無疆

梁甫行

亦云泰山梁甫行

八方各異氣千里殊風雨劇哉邊海民寄身於草墅
妻子象禽獸行止依林阻柴門何蕭條狐兔翔我宇

丹霞蔽日行

紂爲昏亂虐殘忠正周室何隆一門三聖牧野致功
天亦革命漢祚之興秦階之衰雖有南面王道陵夷
炎光再幽忽滅無遺

怨歌行

爲君旣不易爲臣良獨難忠信事不顯乃有見疑患
周公佐成王金滕功不刊推心輔王室二叔反流言
待罪居東國泣涕常流連里靈大動變震雷風且寒
拔樹偃秋稼天威不可干素服開金滕感悟求其端
公旦事旣顯成王乃哀歎吾欲竟此曲此曲悲且長
今日樂相樂別後莫相忘

善哉行

來日大難口燥唇乾今日相樂皆當喜歡經歷名山
芝草翩翩仙人王喬奉藥一丸自惜袖短內手知寒
慙無靈轍以救趙宣月沒參橫北斗闌干親友在門
饑不及餐

君子行

古辭

君子防未然不處嫌疑間瓜田不納履李下不整冠
嫂叔不親授長幼不並肩和光得其柄謙恭甚獨難
周公下白屋吐哺不及餐一沐三握髮後世稱聖賢

平陵東

閭闔開天衢通彼我羽衣乘飛龍乘飛龍與僊期東

上蓬萊採靈芝。靈芝採之可服食。年與王父無終極。
苦思行

綠羅綠玉樹。光耀燦相暉。下有兩真人。舉翅翻高飛。
我心何踊躍。思欲攀雲追。鬱鬱西嶽巔。石室青青與
天連。中有耆年一隱士。鬚髮皆皓然。策杖從我遊。教
我要忘言。

遠遊篇

遠遊臨四海。俯仰觀洪波。大魚若曲陵。乘浪相經過。
靈鼈戴方丈。神嶽儼峩峩。僊人翔其隅。玉女戲其阿。
瓊蕊可療饑。仰首吸朝露。崑崙本吾宅。中州非我家。
將歸謁東父。一舉超流沙。鼓翼舞時風。長嘯激清歌。
金玉固易弊。日月同光華。齊年與天地。萬乘安足多。

吁嗟篇

吁嗟此轉蓬。居世何獨然。長去本根逝。宿夜無休閒。
東西經七陌。南北越九阡。卒遇回風起。吹我入雲間。
自謂終天路。忽然下沉泉。驚飈接我出。故歸彼中田。
當南而更北。謂東而反西。宕若當何依。忽亡而復存。
飄飄周八澤。連翩歷五山。流轉無恒處。誰知吾苦艱。

願爲中林草。秋隨野火燔。糜滅豈不痛。願與株莖連。

鰕鮒遊潢潦篇

鰕鮒遊潢潦。不知汪海流。燕雀戲藩柴。安識鴻鵠遊。

世士誠明性。

一作世聖 止誠明

大德因無儔。駕言登五嶽。然

後。小陵丘。俯觀上路人。勢利惟是謀。讐高念皇家。遠

懷柔九州。撫劍而雷音。猛氣縱橫浮。汎泊徒嗷嗷。誰

知壯士憂。

種葛篇

種葛南山下。葛藟自成陰。與君初婚時。結髮恩意深。

歡愛在枕席。宿昔同衾衾。竊慕棠棣篇。好樂如瑟琴。

行年將晚暮。佳人懷異心。恩紀曠不接。我情遂抑沉。

出門當何顧。徘徊步北林。下有交頸獸。仰見雙栖禽。

攀枝長歎息。淚下沾羅衿。良馬知我悲。延頸對我吟。

昔爲同池魚。今爲商與參。往古皆懽遇。我獨困於今。

棄置委天命。悠悠安可任。

浮萍篇

浮萍寄清水。隨風東西流。結髮辭嚴親。來爲君子仇。

恪勤在朝夕。無端獲罪尤。在昔蒙恩惠。和樂如瑟琴。

曹子建集 卷六
何意今摧頽曠若商與參茱萸自有芳不若桂與蘭
新人雖可愛不若故人歡行雲有反期君恩儻中還
慊慊仰天歎愁心將何愬日月不恒處人生忽若遇
悲風來入帷一作懷淚下如垂露散一作發篋造新裳一作
衣裁縫紈與素

惟漢行

太極定二儀清濁始以形三光照八極天道甚著明
爲人立君長欲以遂其生行仁章以瑞變故誠驕盈
神高而聽卑報若響應聲明主敬細微三季嘗天經
二皇稱至化盛哉唐虞庭禹湯繼厥德周亦致太平
在昔懷帝京日晏不敢寧濟濟在公朝萬載馳其名

當來日大難

日苦短樂有餘乃置玉樽辦東厨廣情故心相於闔
門置酒和樂欣欣遊馬後來轅車解輪今日同堂出
門異鄉別易會難各盡杯觴

野田黃雀行

高樹多悲風海水揚其波利劍不在掌結支何須多
不見籬間雀見鷄自投羅羅家得雀喜少年見雀悲

曹子建集 卷六
拔劔捎羅網。黃雀得飛飛。飛飛摩蒼天。來下謝少年。

門有萬里客

門有萬里客。問君何鄉人。褰裳起從之。果得心所親。
挽衣對我泣。太息前自陳。本是朔方士。今爲吳越民。
行行將復行。去去適西秦。

怨歌行一首七解晉曲所奏

明月照高樓。流光正徘徊。上有愁思婦。悲歎有餘哀。
一解

借問歎者誰。自云宕子妻。夫行踰十載。賤妾常獨棲。

二解

念君過于渴。思君劇于饑。君爲高山栢。一作妾爲濁

水泥。三解

北風行蕭蕭。烈烈入吾耳。心中念故人。淚墮不能止。

四解

浮沉各異路。會合當何諧。願作東北風。吹我入君懷。

五解

君懷常不開。賤妾當何依。恩情中道絕。流止任東西。

六解

曹子建集 卷六
我欲竟此曲。此曲悲且長。今日樂相樂。別後莫相忘。
七解

桂之樹行

桂之樹。桂之樹。桂生一何麗。佳楊朱華而翠葉流芳。
布天涯。上有棲鸞。下有蟠螭。桂之樹。得道之真人。咸
來會。講僊教。爾服食日精。要道甚省。不煩淡泊。無爲
自然。乘蹻萬里之外。去畱隨意所欲。存高高上。際於
衆外。下下乃窮極地天。

當墻欲高行

龍欲升天。須浮雲人之仕進。待中人衆口。可以鑠金。
讒言三至。慈母不親。憤憤俗間。不辨僞真。願欲披心。
自說陳君門。以九重道遠。河無津。

當欲遊南山行

東海廣且深。由卑下百川。五嶽雖高大。不逆垢與塵。
良木不十圍。洪條無所因。長者能博愛。天下寄其身。
大匠無棄材。船車用不均。刀錐各異能。何所獨卻前。
嘉善而矜愚。大聖亦同然。仁者各壽考。四坐咸萬年。
當事君行

人生有所貴尚出門各異情朱紫更相奪色雅鄭異
音聲好惡隨所愛憎追舉逐聲名百心可事一君巧
詐寧拙誠林樾車用不以代輪谷與並河視國論前
貝木當車以駕行無池因是昔強則愛天正寄其快
歡坐玉殿會諸貴客侍者行觴主人離席顧視東西
廂絲竹與鞞鐸不醉無歸來明燈以繼夕

自詣飛龍篇

晨遊太山雲霧窈窕忽逢二童顏色鮮好乘彼白鹿
手翳芝草我知真人長跪問道西登玉堂一作金樓

複道授我僊藥神皇所造教我服食還精補腦壽同
金石永世難老

磐石篇


磐石山巔石飄飄澗底蓬我本泰山人何爲客淮東
蒹葭彌斥土林木無芬重岍巖若崩缺湖水何洶洶
蚌蛤被濱涯光彩如錦虹高彼凌雲霄浮氣象螭龍
鯨脊若丘陵鬚若山上松呼吸吞船櫂澎濞戲中鴻
方舟尋高價珍寶麗以通一舉必千里乘颶舉帆幢
經危履險阻未知命所鍾常恐沈黃壚下與鼃鼈同

南極蒼梧野遊盼窮九江中夜指參辰欲師當定從
仰天長太息思想懷故邦乘桴何所志吁嗟我孔公

驅車篇

驅車揮駑馬東到奉高城神哉彼泰山五嶽專其名
隆高貫雲蜺差峩出太清周流二六候間置一二亭
上有涌醴泉玉石揚華英東北望吳野西眺觀日精
鬼神所繫屬逝者感斯征王者以歸天效厥元功成
歷代無不遵禮記有品程探策或長短唯德享利貞
封者七十帝軒皇元獨靈餐霞漱沆瀣毛羽被身形

發舉蹈虛廓徑庭升窈冥同壽東父年曠代永長生



上海图书馆藏

